

ერთი მხრივ, შპს „თბილისის სატრანსპორტო კომპანია“ (მის: ქ. თბილისი, ვაგშლის მოედანი №2), წარმოდგენილი გენერალური დირექტორის - გიორგი შარკოვის სახით (შემდგომში „შემსყიდველი“) და მეორე მხრივ, შპს „მაი მობაილ +“ (თურიდული მის: ქ. თბილისი, საბურთალოს რაიონი, ალ. ყაზბეგის გამზ., №9, ბ. 1) წარმოდგენილი დირექტორის - ზურაბ ბოკერიას სახით (შემდგომში „მიმწოდებელი“), შემდგომში ორივე ერთად წოდებული როგორც მხარეები „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის, სახელმწიფო შესყიდვების სააგენტოს 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული ელექტრონული ტენდერის (აუქციონის გარეშე) (სარელსო წრედების პარამეტრების საზომი ხელსაწყოების სახელმწიფო შესყიდვა) საფუძველზე, ვდებათ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ ტენდერში (NAT210010777).
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 დანართი №1 - ტექნიკური დავალება;
 - 1.3.2 დანართი №2 - ფასების ცხრილი;
 - 1.3.3 დანართი №3 - საგარანტიო ვადა;
 - 1.3.4 დანართი №4 - ინფორმაცია შესყიდვის ობიექტის შესახებ.
- 1.4. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ სარელსო წრედების პარამეტრების საზომი ხელსაწყოების (შემდგომში „საქონელი“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: 38300000.
- 2.3 მისაწოდებელი საქონლის დასახელება, ზომის ერთეული, რაოდენობა და ერთეულის ფასი განისაზღვრება დანართი №2-ის შესაბამისად.
- 2.4 შესყიდვის ობიექტი შეფუთული უნდა იყოს ქარხნული წესით ისე, რომ დაცული იყოს გარემო ზემოქმედებისაგან, გარდა იმ პროდუქციისა, რომლის შეფუთვაც შეუძლებელია ქარხნული წესით.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №2-ის შესაბამისად და შეადგენს 36'000 (ოცდათექვსმეტი ათასი) ლარს.
- 3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახდელებს, დღგ-ის ჩათვლით.

4. საქონლის მიწოდების ვადა და ადგილი

- 4.1. მიმწოდებელი საქონლის მიწოდებას განახორციელებს სახელმწიფო შესყიდვის შესახებ ხელშეკრულების გაფორმების თარიღიდან არაუგვიანეს 180 (ასოთხმოცი) კალენდარული დღის განმავლობაში.
- 4.2. შესასყიდი საქონლის მიწოდების ადგილია - ქ. თბილისი, მექანიზაციის ჩიხი №1.
- 4.3. საქონლის მიწოდებას მიმწოდებელი უზრუნველყოფს საკუთარი ხარჯით.
- 4.4. მიმწოდებელი ვალდებულია, საქონლის მიწოდებამდე არანაკლებ 1 (ერთი) დღით ადრე, სატელეფონო შეტყობინების საშუალებით - ტელ: 032 2 35 77 77 (72-51; 72-19) აცნობოს შემსყიდველს საქონლის მიწოდების შესახებ.

„შემსყიდველი“
შპს „თბილისის სატრანსპორტო კომპანია“

გიორგი შარკოვი
გენერალური დირექტორი

„მიმწოდებელი“
შპს „მაი მობაილ +“

ზურაბ ბოკერია
დირექტორი

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვანად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებენ: სიგნალიზაციისა და კავშირგაბმულობის სამსახურის სიგნალიზაციის დისტანციის უფროსი/მოვალეობის შემსრულებელი; ლოჯისტიკის სამსახურის სექტორის უფროსი/მოვალეობის შემსრულებელი (შემდგომში „ინსპექტირების ჯგუფი“).
- 5.3 ინსპექტირების ჯგუფის ფუნქციებია:
 - 5.3.1 გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
 - 5.3.2 დაადგინოს მიწოდებული საქონლის ან/და მისი ნაწილის ხარისხის შესაბამისობა ხელშეკრულებით გათვალისწინებულ მოთხოვნებთან;
 - 5.3.3 გააფორმოს მიმწოდებელთან მიღება-ჩაბარების აქტი და უზრუნველყოს მიწოდებული საქონლის მიღება.

6. საქონლის საგარანტიო პირობები და ვადები

- 6.1 მიმწოდებელი იძლევა გარანტიას, რომ მიწოდებული საქონელი იქნება სრულიად ახალი (არ იქნება ექსპლუატაციაში ნამყოფი), ხარისხიანი და შეესაბამება საქონლის ტექნიკურ პირობებს (დანართი №1).
- 6.2 მიმწოდებელი იძლევა გარანტიას მიწოდებულ საქონელზე, საქონლის მიწოდების შესახებ შედგენილი დოკუმენტის (მიღება-ჩაბარების აქტის) გაფორმების თარიღიდან 12 (თორმეტი) თვეს.
- 6.3 მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.
- 6.4 შემსყიდველ ორგანიზაციას უფლება აქვს უარი განაცხადოს წუნდებული საქონლის მიღებაზე.

7. საქონლის მიღება-ჩაბარების წესი

- 7.1 მიმწოდებლის მიერ მიწოდებული საქონელი ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახდო დოკუმენტაცია.
- 7.3 მიღება-ჩაბარების აქტი დგება საქონლის (ან მისი ნაწილის) ყოველი მიწოდების დასრულების შემდეგ.
- 7.4 საქონლის მიღება და საბოლოო შემოწმება ხდება საქონლის მიწოდების ადგილზე.
- 7.5 საქონლის მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორების პირობები და ვადები

- 8.2 ანგარიშსწორება განხორციელდება ფაქტიურად მიწოდებული საქონლის შესაბამისად, მაგრამ არაუმეტეს ყოველ ჯერზე მიწოდებული საქონლის ღირებულების 80%-ისა. ამასთან, დარჩენილი 20%-ის ანაზღაურება განხორციელდება მხოლოდ იმ შემთხვევაში, თუ მიმწოდებელი სრულად მიაწოდებს შემსყიდველს ხელშეკრულებით გათვალისწინებულ საქონელს. საქონლის სრულად მოუწოდებლობის შემთხვევაში, მიმწოდებელს დაუკავდება მოწოდებული საქონლის ღირებულების 20 (ოცი) პროცენტი ჯარიმის სახით.
- 8.3 საბოლოო ანგარიშსწორება განხორციელდება ხელშეკრულებით ნაკისრი ვალდებულების სრულად შესრულების/ხელშეკრულების მოქმედების ვადის გასვლის გამო შეწყვეტის შემდეგ, ამავე ხელშეკრულებით დადგენილი პირობების შესაბამისად..
- 8.4 ანგარიშსწორება განხორციელდება უნაღდო ანგარიშსწორების წესით, ფაქტიურად მიწოდებული საქონლის შესაბამისად გაფორმებული მიღება-ჩაბარების აქტის და საქართველოს კანონმდებლობით გათვალისწინებული შესაბამისი საგადასახდო დოკუმენტაციის ან შუალედური მიღება-ჩაბარების აქტის და საქართველოს კანონმდებლობით გათვალისწინებული შესაბამისი საგადასახდო დოკუმენტაციის წარდგენიდან 10 (ათი) სამუშაო დღის ვადაში.
- 8.5 წინასწარი ანგარიშსწორება (აგანსი) არ გამოიყენება.
- 8.6 შემსყიდველი უფლებამოსილია, მიმწოდებლის მიერ შემსყიდველისათვის ხელშეკრულებით გათვალისწინებული (მიღება-ჩაბარების აქტის შესაბამისი) ნებისმიერი ასანაზღაურებელი თანხა (ასეთის არსებობის შემთხვევაში) გამოქვითოს შემსყიდველსა და მიმწოდებელს შორის გაფორმებული ნებისმიერი ხელშეკრულებიდან წარმოშობილ და მიმწოდებელზე ვადადამსახურებელ გადასარიცხი თანხიდან.
- 8.7 საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

„შემსყიდველი“
შპს „თბილისის სატრანსპორტო კომპანია“
გიორგი შარკოვი
გენერალური დირექტორი

„მიმწოდებელი“
შპს „მაი მობაილ +“
ზურაბ ბოკერია
დირექტორი

9. მხარეთა უფლება-მოვალეობანი

- 9.1 შემსყიდველი და მიმწოდებელი მოქმედებს „სახელმწიფო შესყიდვის შესახებ“ საქართველოს კანონის მოთხოვნათა სრული დაცვით.
- 9.2 შემსყიდველი უფლებამოსილია:
- 9.2.1 განახორციელოს ზედამხედველობა მიმწოდებლის მიერ ხელშეკრულების პირობების დაცვაზე;
- 9.2.2 ხელშეკრულების მე-4 პუნქტით გათვალისწინებული საქონლის მიწოდების ვადების დარღვევის შემთხვევაში მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
- 9.3.1 მიიღოს მოთხოვნილი საქონელი;
- 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;
- 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები;
- 9.4 მიმწოდებელი უფლებამოსილია:
- 9.4.1 მოითხოვოს შემსყიდველისგან მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად;
- 9.4.2 ანგარიშსწორების ვადის დარღვევის შემთხვევაში შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.5 მიმწოდებელი ვალდებულია:
- 9.5.1 მიაწოდოს შემსყიდველს ნივთობრივად და უფლებრივად უნაკლო საქონელი;
- 9.5.2 საქონლის მიწოდება განახორციელოს წინამდებარე ხელშეკრულების მე-4 პუნქტში მოცემული პირობების შესაბამისად;
- 9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;
- 9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;
- 9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არც ერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.
- 10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთდება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

- 11.1 ხელშეკრულება შეიძლება შეწყდეს:
- 11.1.1 მხარეთა წერილობითი შეთანხმებით;
- 11.1.2 ხელშეკრულების ვადის გასვლის გამო;
- 11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად შეწყვიტოს ხელშეკრულება (მოთიანად ან ნაწილობრივ), თუ:
- 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;
- 11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
- 11.2.4 მიმწოდებლის გაკოტრების შემთხვევაში;
- 11.2.5 საქართველოს კანონმდებლობით გათვალისწინებულ სხვა შემთხვევებში.

„შემსყიდველი“
შპს „თბილისის სატრანსპორტო კომპანია“

გიორგი შარკოვი
გენერალური დირექტორი

„მიმწოდებელი“
შპს „მაი მობაილ“

ზურაბ ბოკერია
დირექტორი

12. მხარეთა პასუხისმგებლობა

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს გადასახდელი თანხის 0.2 პროცენტი ყოველი ვადაგადაცილებული დღისათვის.
- 12.3 მიმწოდებელი პასუხისმგებელია ხელშეკრულების მე-4 პუნქტით გათვალისწინებული ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს მოასწოდებელი საქონლის ღირებულების 0.2 პროცენტი ყოველი ვადაგადაცილებული დღისათვის.
- 12.4 თუ მიმწოდებელი საგარანტიო ვადის პერიოდში არ განახორციელებს წუნდებული/დაზიანებული საქონლის შეცვლას, ხელშეკრულების 6.3 პუნქტის შესაბამისად, დაეკისრება პირგასამტეხლოს სახით წუნდებული/დაზიანებული საქონლის ღირებულების 0.2 პროცენტი ყოველი ვადაგადაცილებული დღისათვის.
- 12.5 საქონლის სრულად მოწოდებლობის შემთხვევაში, მიმწოდებელს დაუკავდება მოწოდებული საქონლის ღირებულების 20 (ოცი) პროცენტი ჯარიმის სახით.
- 12.6 ზემოაღნიშნული ვალდებულებების შესრულება არ ათავისუფლებს მიმწოდებელს ხელშეკრულებით ნაკისრი ვალდებულებების სრულად შესრულებისაგან.

13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში ნააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორიცაა ომი, სტიქიური მოვლენები, ეპიდემია და ა.შ.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული ან/და სხვა ხელშემშლელი გარემოებების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.
- 13.4 ფორს-მაჟორული ან/და სხვა ხელშემშლელი გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოანახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების გავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულებების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

14. დავების გადაწყვეტა

მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობით დადგენილი წესის შესაბამისად.

„შემსყიდველი“
შპს „თბილისის სატრანსპორტო კომპანია“
გიორგი შარკოვი
გენერალური დირექტორი

„მიმწოდებელი“
შპს „მაი მობაილ +“

ზურაბ ბოკერია
დირექტორი

15. ხელშეკრულების სხვა პირობები

- 15.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 15.2 ამ ხელშეკრულებით გათვალისწინებული საკითხები განისაზღვრება საქართველოს მოქმედი კანონმდებლობის შესაბამისად.
- 15.3 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომრებაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.
- 15.4 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16. ხელშეკრულების მოქმედების ვადა

- 16.1 ხელშეკრულება ძალაშია მისი ხელმოწერის დღიდან და მოქმედებს 2022 წლის 31 მარტის ჩათვლით (გარდა ამ ხელშეკრულების მე-6, მე-8 და 12.4 პუნქტებისა).
- 16.2 ხელშეკრულების მე-6, მე-8 და 12.4 პუნქტები ძალაშია ხელმოწერის დღიდან და მოქმედებს საგარანტიო ვადის სრული პერიოდის განმავლობაში.

17. მხარეთა რეკვიზიტები

„შესყიდველი“

შპს „თბილისის სატრანსპორტო კომპანია“
საიდენტიფიკაციო ნომერი: 202886788
იურიდ. მის: ქ. თბილისი, ვაგზლის მოედანი №2
ტელ: (995 32) 2 93 50 50.
სს თბილისი ბანკი
ა/ა GE67TB7931836070100001; ბანკის კოდი: TBCBGE22

„მიმწოდებელი“

შპს „მაი მობაილ +“
საიდენტიფიკაციო ნომერი: 205294705
იურიდ. მის: ქ. თბილისი საბურთალოს რაიონი, ალ.
ყაზბეგის გამზ., №9, ბ. 1
ტელ: (+995 32) 2308642
სს პროკრედიტ ბანკი
ა/ა GE02PC0053600100019713; ბანკის კოდი: MIBGGE22
ელ.ფოსტა: zura@mymobile.ge

„შესყიდველი“
შპს „თბილისის სატრანსპორტო კომპანია“

გიორგი შარკოვი
გენერალური დირექტორი

„მიმწოდებელი“
შპს „მაი მობაილ +“

ზურაბ ბოკერია
დირექტორი

ტექნიკური დავალება

„მაი მობაილ +“

საქონლის დასახელება II	პრეტენდენტის მიერ შემოთავაზებული საქონლის ტექნიკური პარამეტრები* III
სარელსო წრედების სიგნალების გამზომი კომბინირებული პრაქტიკულ-ინჟინერული ანტენა PRC-M ტიპის	ხელსაწყო აქვს თხევადკრისტალური ეკრანი (240*128 წერტილი) განათებით, განკუთვნილია ცვლადი და მუდმივი ძაბვის, დენის ძალის, ცვლადი დენის სიგნალების სიხშირის, 0,1 ომ-დან - 10 მომ-მდე დიაპაზონში წინაღობის, 1 ჰგ-დან - 100 მკგ-მდე დიაპაზონში ტევადობის და 10 მკჰერ-დან - 100 ჰერ-მდე დიაპაზონში ინდუქტივობის, კოდური სიგნალების მახასიათებლების გაზომვისათვის. ხელსაწყო ფუნქციონალი: ავტომატურად განსაზღვრავს ყველა იმ სიგნალს, რომელიც დაფიქსირდა გაზომვისას, ზომავს კოდურ სიგნალებს, აქვს ნებისმიერი სიგნალის ოსცილოგრაფზე ნახვის შესაძლებლობა, აქვს გარე დიფერენციალური ინდუქტიური სენსორისა და დენის მარწყხის მიერთების შესაძლებლობა, 5-რიგანი შესასვლელი დიაპაზონი, რომელიც იძლევა საშუალებას სიგნალი გაიზომოს 1მგ-დან-400გ-მდე სიზუსტით, აქვს USB-პორტი მონაცემების გადაცემის, პროგრამული უზრუნველყოფის განახლებისა და ბატარეის დამუხტვისათვის. ხელსაწყო მოწყობა კაბელი დენის გაზომვისათვის, კაბელი ძაბვის გაზომვისათვის, კაბელი კომპიუტერზე მიერთებისათვის, გაბარიტული ზომა არაუმეტეს 267*168*37მმ, მოწყობილობის წონა: არაუმეტეს 1,4 კგ. მოყვება პასპორტი და მოხმარების სახელმძღვანელო
პაგნიტურიშუნტი 3M ტიპის	განკუთვნილია სიჩქარის ავტომატური რეგულირების (სარ-ის) დენების გასინჯვისათვის სარელსო წრედზე შუნტის მაგნიტური ადაპტერის დადების გზით და "დენი-ძაბვა" გარდამქმნელის შესასვლელი ძაბვის გაზომვისათვის. შუნტი უზრუნველყოფს ცვლადი დენის ძალის გარდაქმნას ცვლადი დენის ძაბვაში, გარდაქმნის კოეფიციენტით 100მგ/ა. გარდაქმნის ცდომილება სიხშირის დიაპაზონში 20 - 1000ჰც-მდე და დენის დიაპაზონში 0.1-20 ა ±1%. შუნტი შეადგენს ორ მაგნიტურ ადაპტერის და ერთი ინდუქტიურ გარდამქმნელს. წონა არაუმეტეს 1.4კგ. მოყვება პასპორტი და მოხმარების სახელმძღვანელო.

შპს "მაი მობაილ+"-ის დირექტორი:

Zurab
Bokeria

Digitally signed
by Zurab Bokeria
Date: 2021.07.02
19:22:29 +04'00'

ზურაბ ბოკერია

ფასების ცხრილი

შპს „მაი მობაილ +“

II	III	IV	V	VI
სარელსო წრედების სიგნალების გამზომი კომბინირებული მრავალფუნქციონალური ხელსაწყო PK-PL-M ტიპის	ცალი	1	14000 ლარი	14000 ლარი
მაგნიტური შუნტი WM ტიპის	ცალი	8	2750 ლარი	22000 ლარი
ჯამი				36000 ლარი

შპს "მაი მობაილ+"-ის დირექტორი:

**Zurab
Bokeria**

Digitally signed
by Zurab Bokeria
Date: 2021.07.02
19:23:14 +04'00'

ზურაბ ბოკერია



დანართი №3

შპს „მაი მობაილ +“

საქონლის საგარანტიო ვადა

მიწოდებულ საქონელზე საგარანტიო ვადა შეადგენს საქონლის მიწოდების შესახებ შედგენილი დოკუმენტის (მიღება-ჩაბარების აქტის) გაფორმების თარიღიდან **12** თვეს.

შპს "მაი მობაილ+"-ის დირექტორი:

**Zurab
Bokeria**

Digitally signed
by Zurab Bokeria
Date: 2021.06.28
12:28:04 +04'00'

ზურაბ ბოკერია

ინფორმაცია შესყიდვის ობიექტის შესახებ

შპს „მაი მობაილ +“

№	საქონლის დასახელება	შემოთავაზებული საქონლის მწარმოებელი ქვეყანა	შემოთავაზებული საქონლის მწარმოებელი ფირმა	შემოთავაზებული საქონლის მოდელი (არსებობის შემთხვევაში)
I	II	III	IV	V
1	სარელსო წრედების სიგნალების გამზომი კომბინირებული მრავალფუნქციონალური ხელსაწყო ПК-РЦ-М ტიპის	Российская Федерация	Общество с ограниченной ответственностью «Научно-производственная фирма «КОМАГ-Б»	ПК-РЦ-М РКУН.22.00.00.000
2	მაგნიტურიშუნტი ШМ ტიპის	Российская Федерация	Общество с ограниченной ответственностью «Научно-производственная фирма «КОМАГ-Б»	РКУН.32.00.00.000

შპს "მაი მობაილ+"-ის დირექტორი:

**Zurab
Bokeria**Digitally signed
by Zurab Bokeria
Date: 2021.07.02
19:23:51 +04'00'

ზურაბ ბოკერია